

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK
Služba za civilnu zaštitu

Broj: 08-_____/12

Datum: 31.01.2012. godine

TNT RADIO
T R A V N I K

PREDMET: Obavještenje građanima

Mole se građani, koji trajno ili privremeno borave na području općine Travnik da u slučaju ekstremnih vremenskih uslova u zimskom periodu postupaju na slijedeći način:

1. Jaka zima:

- što manje boravite na otvorenom ili u negrijanom zatvorenom prostoru,
- prije izlaska na otvoreno slojevito se obucite dovoljno toplom odjećom i obućom i zaštitite glavu i šake,
- što manje izlazite na zaleđene i kliske površine i ne izlazite na led na zaleđenim vodenim površinama zbog opasnosti od pucanja leda, propadanja u ledenu vodu i utapanja,
- u prostorijama koje nisu grijane, a u kojima ne namjeravate boraviti, ispustiti vodu iz vodovodnih cijevi, spremnika ili grijača vode i sistema centralnog grijanja koji nije u funkciji, a u zahodsku školjku i podne sifone ulijte nesmrzavajuću tekućinu.

2. Snijeg i poledica:

- kao vlasnici ili korisnici stambenog ili poslovnog objekta dužni ste redovno i pravovremeno održavati čistim od snijega i poledice pločnike ispred i prilazne puteve do svog objekta,
- ako led ne možete očistiti s pločnika pospite ga sa dosta soli ili drugim raspoloživim tvarima koja pospešuju otapanje leda,
- koristite obuću s gumenim, hrapavim đonom da smanjite opasnost od klizanja i pada na poledici ili snijegu,
- budite oprezni hodajući uz zgrade ili ispod drveća, jer s njih iznenada može pasti snijeg ili led, te iz navedenih razloga ne parkirajte svoje vozilo na tim mjestima,

- temeljito očistite snijeg i led sa svog vozila prije uključivanja u saobraćaj, uz obavezno korištenje zimske opreme na vozilu,
- ako ste u mogućnosti, protresite snijeg sa voćnjaka, ukrasnog drveća i grmlja, izoliranih telefonskih ili električnih kablova i sl., kako biste spriječili njihovo oštećenje i lom,
Pažnja! Ne otresajte i ne čistite neizolirane električne vodove - smrtna opasnost.
- Snijeg ili led koji prijete pasti s krova vašeg stambenog ili poslovnog objekta dužni ste ukloniti sami ili angažiranjem stručnih službi. Zavisno od nosivosti krovne konstrukcije vašeg stambenog ili poslovnog objekta i od debljine, odnosno težine sniježnog pokrivača, procjenite da li je snijeg potrebno ukloniti s krova, te po potrebi to i učinite kako se krov ne bi urušio.
Pažnja! Čišćenje snijega s krova je opasan posao te je bolje da za to angažirate stručnu službu!
- Ukoliko ste zbog obilnih snježnih padavina i neočišćenih puteva ostali izolirani a u hitnoj ste situaciji (slučaj potrebe doktorske ili veterinarske pomoći, bolničkog liječenja, snabdijevanja neophodnim namirnicama ili energentima i slično) nazovite broj 030/518-135 ili 112 s kojeg će se dobijati potrebne informacije i upute za pružanje potrebne pomoći.

DOSTAVITI:

1. Naslovu,
2. Arhiva.

POMOĆNIK NAČELNIKA

mr. Nura Adilović